

四庫全書

經部

欽定四庫全書

詩緝卷十三

宋 嚴粲 撰

陳

國風

譜曰陳者太皞虞氏之墟帝舜之胄有虞閼父者爲  
周武王陶正武王賴其利器用與其神明之後封其子  
媯滿於陳都於宛丘之側是曰陳胡公以備三恪妻以  
元女大姬其封域在禹貢豫州之東其地廣平無名山  
大澤西外望方東不及明猪大姬無子好巫覡禱祈鬼  
神歌舞之樂民俗化而爲之五世至幽公當厲王時政  
衰大夫淫荒所爲無度國人傷而刺之陳之變風作矣  
閼音遏媯音規明音孟明猪即爾雅孟諸覡音微○疏

曰左傳史趙云胡公不淫故周賜之姓使禋虞帝則胡公姓媯武王所賜鄭駁異義云三恪尊於諸侯卑於二王之後樂記云武王未及下車封黃帝之後於蓊封帝堯之後於祝封帝舜之後於陳下車乃封夏后氏之後於杞封殷之後於宋則陳與蓊祝共爲三恪蓊音計○朱氏曰今陳州是也

陳詩十而七爲淫靈公之事世變已極詩訖於此

詩訖

於陳  
靈公下於秦夷之也

宛丘刺幽公也

疏曰幽公寧慎公圍戒子

淫荒昏亂游蕩無度焉

陳曰

幽公詩  
厲王時

幽公之遊蕩爲人所厭此詩殆麗額而相告者歟

子之湯兮

湯如字又去聲○李氏曰子稱幽公也○傳曰湯蕩也

宛丘之上兮

傳曰

四方高中央下曰宛丘○釋丘曰宛中宛丘○疏曰言其中央宛宛然是爲四方高中央下也郭謂中央隆峻

與此傳正反○補傳

洵有情兮

洵音荀○傳曰洵信也

而無望兮

今曰望謂威儀也

如近之則有望

好樂者人之情也欲不可縱樂不可極必以禮節之

今子幽公之流蕩在宛丘之上信有好樂之情矣然

無威儀可瞻望也淫荒昏亂不復敬謹其威儀民因

其出遊見其容貌顏色而生慢易之心所謂望之不

似人君也

坎其擊鼓

傳曰坎坎擊鼓聲

宛丘之下無冬無夏值其鷺羽

值持

之去○朱氏曰值遇○傳曰鷺羽可  
以爲翳翳音意○箋曰翳舞者所持

言雖祁寒大暑亦遇其遊蕩厭之之辭也

坎其擊缶

音否方有反○傳曰缶謂之缶器於良反○  
疏曰郭璞云缶盆也此六擊缶則缶是樂器

易離卦九三不鼓缶而歌則大耋之嗟按坎卦六四樽  
酒簋二用缶又是酒器也復九年宋災其絰缶又是汲  
器然缶是瓦器可以節樂若今擊甌又可以盛水盛酒  
即今之瓦盆也○曹氏曰李斯云夫擊甌叩鉦彈箏拊  
髀而歌烏鳥快耳目者真秦聲也秦王嘗爲蘭相如擊  
缶矣陽樛言家本秦也能爲秦聲酒後耳熱仰天拊缶

而歌烏鳥飯音魯同宛丘之道無冬無夏值其鷺翻音導

解俾陞二音俾音允

○傳曰

細弱也

### 宛丘三章四句

東門之枌

音焚

疾亂也幽公淫荒風化之所行男女棄其

舊業亟會於道路

亟音棄

歌舞於市井爾

曰陳幽公詩厲王時○疏曰古

者井田之制當井之中以二十畝爲廬舍因爲市交易故稱市井○曹氏曰幽公淫荒遊蕩嘗爲國人之所患

苦及其父也民更化之

痛哉風俗之移人也

後序附益講師之說時有失詩之意者一斷之以經

可也首序之傳源流甚遠方作詩之時非國史題其事於篇端雖孔子無由知之或欲併首序盡去之不可也古說相傳猶不之信千載之下二以冒臆決之難矣桑中溱洧之詩或謂淫者自言其如此此詩亦爲男女聚會而賦其事以相樂蓋不用首序刺奔刺亂疾亂之說耳如此則凡刺詩之作皆淫人動於淫思發爲淫辭非止乎禮義者矣聖人何取淫人之言著之爲經而使天下後世諷誦之邪故凡刺詩皆作

者刺淫者非淫者自作也味此詩不續其麻正是諷  
責之辭非相樂之辭首序未易盡去也

東門之枌

傳曰枌白榆也  
解見唐山有枌

○宛丘之枌

音許○曰枌梓  
也檟也枌也解

見唐  
鵠羽

子仲之子

傳曰子仲陳大夫氏  
○今曰子女子也

婆婆其下

婆音梭  
○張子

曰婆婆不必是舞但裴徊翱翔之義士大  
夫之子不得過市今也遨遊於市井中爾

陳都宛丘之側其東門與丘之間乃國之交會其處

又有枌櫨二種之木可以休息故陳大夫子仲氏之

女乃婆婆遨遊於其下蓋以相誘說也遊蕩之俗以



貴族猶爲之何責於小民乎次章言不績其麻知子

仲之子爲指女子也

穀旦于差

音釵○傳曰穀善也○疏曰旦早朝也  
善曰謂無陰雲風雨○箋曰差擇也

南方

之原

李氏曰毛鄭以原爲陳大夫氏不若  
歐陽氏以爲南方原野其說簡徑

不績其麻

七月

疏曰績緝  
麻之名

市也婆娑

既已相誘於是差擇穀善之朝晴明無風雨相會于  
國南之原野其婦人不緝績其麻復由市中遨遊而  
往所會之地何爲也哉

穀旦于逝

傳曰逝往也

越以酸邁

酸音梭總也

○箋曰越於也視

爾如荻

音翹○郭璞曰荻荊葵也似葵紫色○釋草曰荻花紫二音毗浮○陸璣曰似蕪菁花紫綠

色可食微苦澀謝氏曰小草多花少葉葉又翹起

貽我握椒

於穀善之日往所會原野之地男女於是皆往也男

女交會而相說曰我視女之顏色美如荊葵女乃遺

我一握之椒交情好也椒實芬香故以相遺

東門之枌三章章四句

衡門

衡如字

誘僖公也

朱氏曰誘進也○疏曰僖公孝幽公寧子

愿而無立志

願音

故作是詩以誘掖其君也

箋曰掖扶持也○曰陳偉公詩宣王時

衡門與魏園桃檜羔裘意同

衡門之下

疏曰衡古文橫字也○曹氏曰衡門橫一木爲門貧者居之也可以棲遲棲音

西○傳曰棲

泌之洋洋

泌音秘○傳曰泌泉水也○疏曰却風有泌彼泉水知泌爲泉

遊息也

○今曰泌彼泉水乃然流貌毛以此泌與彼字異義同亦當爲泉水之流貌非謂泌爲泉水也○朱氏曰

洋洋安流廣長貌

可以樂饑

樂毛音洛鄭音療

僖公自謂國小不足以有爲意氣消縮無奮然自立之志故詩人欲誘掖之謂橫木爲門雖至淺陋亦可

以棲遲游息於其下泌然而流之泉水洋洋然廣長  
玩之亦可以樂而忘饑喻陳國雖小亦足以有爲益  
子曰今滕絕長補短將五十里也猶可以爲善國

豈其食魚必河之魴

音房○曰魴魴也魴音邊○釋魚曰魴魴魴音至○釋曰魴一名魴

江來呼爲魴○陸璣曰今伊洛濟潁魴魚也廣而薄肥甜而少肉細鱗魚之美者也漁陽泉州及遼東梁水魴特肥而厚尤美於中州魴故其鄉語曰居就糧梁水魴是也○山陰陸氏曰魴今之青魴也郟居賦云赤魴青魴細鱗縮項間腹蓋弱魚也其廣方其厚扁故一曰魴魚一曰魴魚魴方也魴福也里語曰洛魴伊魴貴於牛羊言洛以深宜鯉伊以清淺宜魴也

豈其取妻

娶音必齊

河性宜魚故曰河之魴河之鯉

之姜

箋曰齊姜姓○解頤新語曰姜女子之貴者

豈其食魚必河之鯉

解見魚體

豈其取妻必宋之子

箋曰宋子姓

喻不必大國而後可爲政也

衡門三章章四句

東門之池刺時也疾其君之淫昏而思賢女以配君子

也

曰陳僖公詩宣王時

淫昏不可告語而惟思賢女以配之蓋外此無策矣

東門之池

傳曰池城池也○補傳曰陳風三詩言東門蓋指所見以起興也

可以漚麻

渥渥之去○錢氏曰渥之浸也

彼美淑姬

疏曰黃帝姓姬炎帝姓姜二姓之後子孫昌盛其家之女

美者尤多遂以姬姜爲婦人之美稱○黃氏曰周姬姓陳國元女以封故詩人猶言淑姬

可與晤歌

晤音悟○箋曰晤猶對也

與也東門城池之中可以渥漬其麻麻渥水中朝夕

浸漬然後柔韌也

韌音刃

彼美好之善可與僖公晤對

而歌僖公與賢妃相處夙夜警戒庶幾改化也僖公

荒淫忠臣良士之言無由可入矣其君子無可奈何

但因其好色思得淑女爲其配耦庶幾優柔而漸入

之如池之漚麻漸漬而化之也

春門之池可以漚紵

除之上濁○朱氏曰紵麻屬也○陸機曰宿根在地中至春自生不

於地也荆揚之國一歲三收

彼美淑姬可與晤語

東門之池可以漚菅

音姦○郭璞曰菅茅屬也○陸機曰柔韌宜爲索○爾見白華

彼美淑姬可與晤言

東門之池三章章四句

東門之楊刺時也昏姻失時男女多違親迎去聲女猶有

不至者也

曰陳傳公詩宣王時

陳東門之楊與鄭丰皆親迎而女不至言刺時猶言

刺亂以時使然也

東門之楊

曰楊蒲柳也  
解以中節

其葉牂牁

音臧○傳曰牂牁然  
臨貌○曹氏曰自九

月以後正月以前昏姻正  
時也楊葉茂盛則春既莫

昏以爲期明星煌煌

朱氏曰  
煌煌明

貌

興之不兼比者也秋冬爲昏姻之時今東門之楊木

其葉牂牁然盛則春莫而昏姻失時矣親迎以昏爲  
期而至明星煌煌然大明夜已深而竟不至淫風行



而女有他志也

李氏曰毛氏以秋冬為昏姻之時則以

生間裁乎陰而為化育之始故聖人以合男女窮天  
數也霜降而婦功成嫁娶者行焉水津而農黍起昏  
禮殺於此鄭氏以仲春為昏姻之時則以周官云仲  
春之月會男女之無夫家者觀此兩說毛氏為勝按  
抱苦葉之詩云士如歸妻迨冰未泮是秋冬之間  
可以嫁娶之時也鄭氏於士如歸妻迨冰未泮以為  
請期二月可以昏矣據詩言歸妻則實已逆矣安得  
以歸妻為請期乎然據周禮言仲春之月會男女之  
無夫家蓋於下文又言是時也介者不禁則是於霜  
降之後冰泮之前使民皆得以行嫁娶之禮及至仲  
春之月猶有男女之無夫家者則以媒氏會之是以  
有奔者不禁之事先王立決不應專用仲春之月殺  
色戒

反

東門之楊其葉肺肺

音沛○傳曰猶辟辟也

昏以爲期明星晬晬

昏制○傳曰晬晬猶煌煌也

### 東門之楊二章章四句

墓門刺陳佗也

佗音駝○疏曰佗文公因子桓公鮑之弟世家以佗爲厲公躍爲利公按經傳

五父與佗一人厲公即是無復利公矣馬遷誤也

陳佗無良師傅以至於不義

惡加於萬民焉

曰陳厲公詩桓王時○疏曰春秋桓五年正月甲戌己丑陳侯鮑卒左傳云丙

赴也於是陳亂文公子佗殺太子免而代之公疾病而亂作國人分散故再赴免音問○陳氏曰此詩雖以刺佗乃是責舊之賢者備見始末追咎先君不能爲佗置良師傅致有弑逆之事也

觀陳佗親仁善鄰之言見其性質本非不美未幾往鄭涖盟而軟如忘蓋已有蠱惑之者故詩人歸咎於

無良師傳也

左傳隱六年鄭伯請成于陳陳侯不許五父諫曰親仁善鄰國之寶也七年陳

及鄭平五父及鄭伯盟軟如忘洩伯曰五父必不免不賴盟矣鄭良佐如陳涖盟亦知陳之將亂也軟色

洽反忘去聲

洩息列反

墓門有棘

曰棘荆棘也解見楚茨

斧以斯之

傳曰斯析也○釋言曰斯離也

夫也

不良

傳曰夫傳相也相去聲○夫也猶言此人機弓曾子曰夫夫也注上音扶下如字猶言此丈夫也

國人知之知而不已

程子曰已去聲今曰論語三已之孟子七師不能治事則已之○謂

廢退之也與節南山式處式已同

誰昔然矣

興也言他性本非不善以失教導而流於不善如墓道之門人所稀行失於修治而荆棘生之猶孟子言爲間不用則茅塞之矣此墓門既有棘必用斧以斯析之佗有不善必用良師傅以教誨之今傳相之人不良國人皆知之則當去之也知其不良而不去之誰從來如是乎蓋歸咎於前人也夫也謂傳相之人當時必有所指也

墓門有梅有鴉萃止

鴉戶嬌反泮水音遙○鴉性鴉也鵲也鵲鵲也即鵲仰之爲鵲也鵲

音服鵲鵲音休留○傳曰惡聲之鳥也○陸璣曰鴉大

如斑鳩綠色入人家凶賈誼所賦鵲鳥是也今人謂之

鵲鵲亦名怪鵲內則云鵲鵲肝古人尚之肝音判注云

謂脊側薄肉也○山陰陸氏曰俗云鵲鳥也莊子云見彈

而求鵲炙一曰鵲似鵲則鵲又非鵲炙其肉甚美可爲

羹臠又可爲炙炙音柘臠音堅羹臠也○傳曰萃集也

夫也不良歌以詛之

傳曰詛告也

詛予不顧顛倒思予

棘以喻佗後來之爲惡梅以喻佗性質之本美言梅

本美木生於墓門荒僻之處而惡聲之鴉乃萃集焉

萃集非止一鴉喻羣小附和之衆縱吏之爲惡也

縱

勇反史  
詩曰勇

此傳相之人不良有歌其惡以訛告之而不

予顧至於顛倒然後思予則悔無及矣

### 墓門二章章六句

防有鵲巢憂讒賊也宣公多信讒

疏曰宣公杵  
曰莊公林弟

君子憂

懼焉

曰陳宣公詩  
傳患之間

此詩憂讒賊者詩人爲賢者憂之也

防有鵲巢

傳曰防  
邑也

卬有旨苕

卬音窮苕音條○傳曰卬  
丘也○詩記曰後漢地理

志陳縣注博物記云卬地在縣北防亭在焉○箋曰苕  
美也○曰此音苕苕純也非小雅苕之華所謂陵苕也

○疏曰莒之華傳云莒陵莒此傳直云莒草彼陵莒之  
華好生下濕此則生於高丘與彼異也○陸璣曰莒莒  
饒也幽州人謂之翹饒莒生莒如勞豆而細葉似蒺藜  
而青其莖葉綠色可生食如小豆藿○長樂劉氏曰莒  
考地荒則誰侮予美也○程子曰予美心所賢者○今  
華美盛也

曰唐葛生言予美則婦人稱其心焉怵怵

音刀○齊甫田傳曰怵怵

也憂勞也此詩予美則詩人稱賢者也

興也言防邑有鵲巢邱丘有旨美之莒饒陳人指其  
地之所見也鵲巢積累而成喻爲讒之積漸莒草延  
蔓而生喻所讒之浸廣誰壅蔽予所美之賢者使我

心忉忉然憂勞也

中唐有甍

音霽○釋宮曰廟中路謂之唐堂塗謂之陳甍○甍謂之甍甍甍甍音霽○疏曰堂塗堂下

至門之徑也唐之與陳廟庭之異名耳其實一也今曰毛以中爲中庭唐爲堂塗不必分也中唐猶言唐中耳

○郭璞曰甍甍甍也甍音鹿

卬有旨鵽

音逆○郭璞曰有雜色似鵽也○郭璞音同○傳曰鵽鵽草

誰俯予美心焉惕惕

音越○程子曰惕惕懼也

中唐乃堂下至門之徑有甍非一甍也亦以積累而

成功卬有旨美之鵽草雜衆色以成文猶讒言交織

以成惑美義與貝錦同



防有鵲巢二章章四句

月出刺好色也

好去聲

在位不好德而說美色焉

說音悅○曰陳

宣公詩傳

惠之問

月出皎兮

皎音繳○今曰皎月光皎潔

佼人僚兮

佼音攬僚音了○疏曰佼好也○今

曰孟子云子都之佼○傳曰僚好貌

舒窈糾兮

窈音者糾音之○上濁○傳曰舒遲也窈糾舒之姿也

○今曰舒而脫脫兮

勞心悄兮

悄缺之上○傳曰悄憂也○錢氏曰默憂也

興也當月出皎潔之時感其所見興佼好之人顏色僚然而好其明艷白皙如月之初出而皎潔其行止

舒遲窈糾然姿態之美也思而不可得則勞心悄然  
憂愁而靜默也○宋玉神女賦云其少進也皎若明  
月舒其光正用此詩也又云步裔裔兮曜後堂又云  
動霧縠以徐步皆形容舒之意

月出皓兮

皓音鎬豪之上濁  
今日皓月光之白也

佼人憫兮

憫音柳○蘇  
氏曰憫好也

舒憂受兮

慢音酉○蘇氏曰  
慢受舒之姿也

勞心慄兮

慄音草○王氏  
曰慄言不安而

勤悵

月出照兮佼人燎兮

燎音療○蘇  
氏曰燎明也

舒天紹兮

天音旻○  
季氏曰天

紹亦舒之姿也

勞心慘兮

王氏曰慘言不舒而憂愁

月出三章章四句

株林

株音

刺靈公也

疏曰靈公平國共公朔子

淫乎夏姬

夏避之上濁○疏曰

夏姬陳大夫妻夏微舒之母鄭女也微舒字子南夫字御叔宜九年左傳稱陳靈公與孔寧儀行父通於夏姬十年經云陳夏微舒弑其君平國傳云陳靈公與孔寧儀行父飲酒於夏氏公謂行父曰微舒似汝對曰亦似君微舒病之公出自其廐射而殺之昭二十八年左傳叔向之母論夏姬云是鄭穆公少妃姚子之子子貉之妹也子貉早死而天鍾美於是楚語云昔陳公子夏焉御叔娶於鄭穆公女生子南子南之母亂陳而亡之是言夏姬所出及夫子名字御如字一音禦貉音陌

驅馳而往朝夕不休息焉

陳曰

靈公詩

定王時

株林夏南之辭迫切矣而靈公猶不知羞惡也

朝爲乎株林

傳曰株林夏氏邑也

從夏南匪適株林從夏南

夏南夏姬之子也夏姬之事太褻詩人不欲斥言之

故託辭於其子謂夏南非有見焉不足往見也今公

之命駕何爲欲往株林以從夏南乎又自解之曰必

非往株林以從夏南也恐有他往耳依違言之而譏

之最切矣

補傳曰不斥夏姬而言夏南夏南實主其家國人亦豫憂其禍必作於夏南也

駕我乘馬

乘去聲

說于株野

說音稅○箋曰說舍也

乘我乘駒

上乘平聲

下乘去聲

朝食于株

始見公之命駕謂必非往株林以從夏南既而駕一乘之馬則舍說于株林之野乘一乘之駒則又朝食于株元無他往朝朝暮暮只往株林何爲也哉

株林二章章四句

澤陂刺時也言靈公君臣淫於其國男女相說音悅憂思

感傷焉

思音伺○今日陳靈公詩定王時○王氏曰東門之粉宛丘之應也○澤陂株林之應也

此詩言寤寐無爲刺靈公君臣惟知好色而不知其  
他焉知爲作者刺淫者變風多男女之詩或疑似後  
世艷曲聖人宜刪之非也刺淫之詩非淫者自作乃  
時人作詩譏刺其如此所謂思無邪也聖人存之以  
立教使後世知爲不善於隱微之地人得而知之惡  
名播於無窮而不可湔洗欲其戒謹恐懼也讀詩者  
能無邪爾思則凜然見聖人立教之嚴矣

詩記曰變風始於維

鴉終於澤陂凡一百二十八篇而男女夫婦之詩四十有九抑何多邪曰有天地然後有萬物有萬物然

後有男女有男女然後有夫婦有夫婦然後有父子  
有父子然後有君臣有君臣然後有上下有上下然  
後禮義有所錯男女者三綱之本萬事之先也正風  
之所以爲正者舉其正者以勸之也變風之所以爲  
變者舉其不正者以戒之也道之升降時之治亂俗  
之污隆民之死生於是乎在錄之頗悉篇之重複亦  
哉何疑

彼澤之陂

董氏曰澤水之鍾也○  
傳曰陂澤障也障音帳

有蒲與荷

說文曰蒲似莞而編

有春滑柔而溫莞音官山陰陸氏曰蒲水草也生於  
水厓可以爲席故男執蒲璧言有安人之道也○今曰  
斯干下莞雙云小蒲則莞精蒲麤矣○釋草曰荷芙蕖  
其莖茹其葉藎藎其本葉其華藎藎其實逆其根藕茹音  
如蓮音遯藎音審○陳  
氏曰皆以美物相依  
有美一人傷如之何寤寐無爲

涕泗滂沱

泗音四○傳曰自目曰涕自鼻曰泗○疏曰經傳言隕涕出涕皆謂淚出於目○今曰漸

漸之石俾滂沱矣疏以爲雨盛此言涕泗如雨也

興也蒲葉柔滑荷花紅艷皆物之美而可愛者彼澤之陂有蒲與荷言美物相依也今有一美好之女不得如蒲荷之相依我心之傷奈之何也或寤而覺或寐而寢更無他事但目涕鼻泗俱下滂沱如雨而已譏而鄙之也

彼澤之陂有蒲與蘭

音艱○傳曰蘭蘭也

有美一人碩大且卷

音權



○傳曰卷好貌 ○李氏曰虛令其人美且髮  
字雖不同其義則一 ○釋文曰鬢髮好貌  
寤寐無爲

中心悵悵

音澗 ○傳曰悵悵猶悵悵也

蘭是芬香之草喻女美也或疑碩大非婦人之稱遂  
疑此爲慕賢之詩觀衛風以碩人稱莊姜車牽稱辰  
彼碩女則詩以碩大稱婦人多矣

彼澤之陂有蒲萑萑

萑萑之上濁萑萑之上濁萑萑領憾同音萑禪寢同音 ○傳曰萑萑荷

也 有美一人碩大且儼

傳曰儼貌

寤寐無爲輾轉伏枕

輾

展 ○輾轉解見關雎 ○朱

氏曰伏枕而思也

澤陂三章章六句

詩緝卷十三

欽定四庫全書

詩緝卷十四

宋 嚴粲 撰

檜 國風

譜曰檜者古高辛氏火正祝融之墟國在禹貢豫州外方之北滎波之南居滎洧之間祝融氏名黎其後八姓惟妘姓檜者處其地焉周夷王厲王之時檜公不務政事而好絮衣服大夫去之於是檜之變風始作其國北鄰於號○王肅云周武王封祝融之後於濟洛河潁之間爲檜子

檜曹思周道疾亂也檜世次莫考詩不言何君曰夷

厲之間者鄭譜也平王初鄭武始滅檜前乎平何以

知其非幽也當幽之時仲爲檜君

史伯云檜仲時險

言不刺

仲也前乎幽又何以知其非宣也周道復興之時不得有匪風之思也非幽非宣夷厲當之矣

羔裘大夫以道去其君也國小而迫君不用道好絜其

衣服

好去聲

逍遙遊燕而不能自彊於政治故作是詩也

按譜當夷厲之間

諫不行言不聽則去爲臣之道也此大夫之去正爲

其不能自疊於政治耳詩言衣裘之鮮絜所以形容其宴安無爲之意非以絜其衣服爲大故而去之也

羔裘逍遙狐裘以朝

音潮○蘇氏曰狐白裘也○今曰狐裘有白有青有黃玉藻云君衣

狐白裘錦衣以裼之此狐白裘也玉藻又云君子狐青裘豹裘玄緇衣以裼之此狐青裘也玉藻又云狐裘黃衣以裼之此狐黃裘也鄭氏以狐白之上加皮弁服天子以日視朝諸侯在天子之朝亦服之以黃衣狐裘爲大蜡之後作息民之祭則服之黃衣黃冠而祭息田夫也引此爲證以狐青爲臣下之服諸侯不服之玉藻稱君子狐青裘注以君子爲大夫士也此詩狐裘不指何色鄭氏以爲黃衣狐裘謂檜君以祭服而朝也蘇氏以爲狐白謂檜君以朝天子之服而聽其國之朝也二說不同狐青爲臣下之服非檜君所服檜君好絜其衣服

亦必不服狐黃當從蘇氏以爲狐白然詩人  
之意不在此也裘與袖同蜡音乍亦作借  
豈不爾思

勞心忉忉

音刀○齊甫田傳  
曰忉忉憂勞也

羔裘狐白裘皆諸侯之服檜君服之非過也此大夫  
去之者謂檜國之微迫於大國之間將有危亡之禍  
爲檜君者當深思遠慮孜孜汲汲求所以爲自彊之  
計今乃服其羔裘逍遙暇豫服其狐裘以之視朝而  
已此外不能有所爲是偷安歲月坐而待亡也大夫  
諫而不聽故去之雖去國而不忘君故言我豈不思

爾乎實思之而勞心忉忉也○舊說緇衣羔裘諸侯之朝服也檜君乃服之以遊燕錦衣狐裘諸侯天子之服也檜君乃服之以聽其國之朝故大夫去之此非大惡其大夫何爲而遽去乎此大夫非以羔裘狐裘爲大故而以逍遙翱翔爲可憂也

羔裘翱翔

傳曰翱翔猶逍遙也

狐裘在堂

傳曰堂公堂也○疏曰謂正寢之堂人君出視

朝乃退適路寢以聽大夫所治之政

豈不爾思我心憂傷

服其狐裘塊然在堂而已不能有所爲也故憂傷之



羔裘如膏

音告。○今曰膏之也。

日出有曜豈不爾思中心是悼

凡人憂勞戒懼則不暇鮮其衣禹惡衣文王卑服衛  
文大布之衣是也今檜君羔裘之色潤澤如以脂膏  
漬之日出照之則有光曜其衣服之鮮明如此其志  
慮凡近可見矣安其危而樂其亡故我心傷悼之也

羔裘三章章四句

素冠刺不能三年也

范氏曰檜當夷厲之時已如此則孔子孟子之世可知也

自夷厲之時上下相習而廢禮久矣孔子存此序即

他日所以告宰予者其關於人倫風教者大矣

庶見素冠兮

李氏曰毛以素冠爲練冠謂練布使熟其色藍白是以謂之素三年之喪十有三月

而練冠既練則衣亦練故曰素衣素禪也鄭衣素冠爲既祥素紕之冠謂經傳之言素者皆爲白絹未有以布爲者則知素冠非練也黑經白緯曰縞其冠用縞以素爲紕故謂之素冠也至於素衣則素裳也毛氏謂思見練服練是十三月之服未足以見其不能三年也不如鄭氏之說爲有據玉藻云縞冠素紕既祥之冠也注紕緣邊也既祥祭而服之喪服小記云除成喪者其祭也朝服縞冠注成成人也士冠禮主人玄冠朝服縞帶素韠鄭氏以素爲祥服皆

棘人藥藥兮

藥音驚○傳曰棘本於禮本注紕音皮

朱氏曰喪事欲其縱

勞心惻惻兮

惻音國○傳曰惻惻憂勞也

素冠者縞冠素紕之冠也既祥祭則服之今不行三年之喪則無服此冠者故詩人云庶幸見服素冠者是棘急哀遽之人藥藥然瘠今無此人可見故我勞心惻惻然憂勞也

庶見素衣兮

箋曰除成喪者其祭也朝服縞冠朝服縞衣素裳然則此言素衣謂素裳也○疏曰

裳而言衣衣是大名曲禮云兩手振衣謂振裳

我心傷悲兮聊與子同歸兮

若得見服此素衣之人欲與子同歸愛慕之辭也

庶見素韠兮

韠音畢○箋曰祥祭朝服素韠者韠從裳色○朱氏曰韠蔽膝也以韋爲之冕服謂

之餘其  
餘曰釋

我心蘊結兮

蘊音允○朱氏曰蘊結者思之不解也

聊與子如一

兮

三年之喪天下之通義人心之同然也與子同歸與子如一得我心之同然也

素冠三章章三句

隰有萇楚

萇音長

疾恣也國人疾其君之淫恣而思無情

欲者也

隰有萇楚

釋草曰萇楚鉞也鉞音遙○郭璞曰今羊桃也○陸璣曰一名鉞也葉如桃而光火長而

狹花紫赤色其枝莖弱過一尺猗儺其枝猗儺阿那之引蔓于草上○疏曰或云鬼桃上聲○疏曰

猗儺枝條

天之沃沃

天音妖沃音屋○傳曰天少也○今曰厥草惟天桃之天天皆少之

柔弱也

意其葉沃若爲潤澤之意草木生意方盛則沃然潤澤

樂子之無知

樂音洛○李氏曰樂記好

惡無節於內知誘於外注知猶欲也

興也萋楚始生猶能自立長尺以上則引蔓于草上

故言隰有萋楚其枝條猗儺然柔弱牽蔓如人之既

長多欲而可惡也回思其天少沃沃然生意方盛之

時如人之少時無知欲而可愛也男女居室人之大

倫非可絕也然不能以禮節之而至於肆情縱欲則

不如少小無知之爲愈所以甚言淫恣之可疾也

詩記

曰生意沃沃此所謂赤子之心也此  
繪君未有知識未有室家之時也

隰有萋楚猗儺其華天之沃沃樂子之無家

箋曰謂無  
室家之道

○今日行露云  
誰謂女無家

隰有萋楚猗儺其實天之沃沃樂子之無室

朱氏曰無  
室猶無家

隰有萋楚三章章四句

匪風思周道也國小政亂憂及禍難

去聲

而思周道焉

詩記

曰匪風下泉思周道之詩獨作於曹檜何也曰政出天子則彊不陵弱各得其所政出諸侯則徵發之煩供億之困侵伐之暴唯小國偏受其害所以瞻懷周宗爲獨切也戰國時房喜謂韓王曰大國惡有天子而小國利之以此二詩驗之其理益明賈誼欲衆建諸侯而少其力雖其言畧而不精亦可爲少知治體矣

匪風思周而宣王中興天下謳吟思漢而光武再造其浹洽於人心者深矣

匪風發兮

錢氏曰發風大起也○今曰俗呼大風爲風發○陳氏曰迅烈也

匪車偈兮

偈音挈廣韻音桀傳曰揭疾驅也○陳氏曰軒輊不定○張子曰人之不安常如在風中車上顧瞻周

道

箋曰迴首曰顧○朱氏曰周道通周之路也

中心怛兮

怛都達反○傳曰怛傷也

此檜國之人憂及禍難言非風之大作也非車之疾  
驅也我迴首反顧昔日周道之盛心自傷怛也言生  
於亂世非風非車自如風中車上之不得安傷今而  
思古也晉王尼暮宿車上常歎曰滄海橫流處處不  
安以車上不安喻世之亂也○舊說匪風非有道之  
風匪車非有道之車今不從

匪風飄兮

飄音標本注符遙反  
又必搖反從又音

匪車嘒兮

嘒音漂批騎  
反○朱氏曰

嘒搖不  
安之貌

顧瞻周道中心弔兮

傳曰弔  
傷也



今考釋天云扶搖謂之焱孫云迴風從下上曰焱郭  
云暴風從下上此詩言風之暴當音標與焱同音也  
釋天又云迴風爲飄與焱同音義別蓋迴風謂之飄  
其迴風自下而上則謂之焱

誰能亨魚

亨音烹○傳曰烹魚煩則碎治民煩則散

溉之釜鬻

溉音漿鬻音尋○傳曰溉

滌也○疏曰鬻是甑非釜類亨魚用釜不用甑雙舉者以其俱是食器故連言耳○張子曰溉沃之使水多也

水寬則魚不壞政亦務寬○錢氏曰

誰將西歸

箋曰檜在周之

東故言

懷之好音

陳氏曰懷安也○今曰好音猶好語也

西歸

治民若亨小鮮誰能亨魚而溉滌其釜鬻乎誰將西  
歸鎬京而安我以好音乎言唯周道平易人若歸之  
是好消息將有平治之望也匪風作於夷厲之時周  
猶都鎬故言西歸

匪風三章章四句

詩緝卷十四

欽定四庫全書

詩緝卷十五

宋嚴粲撰

曹

國風

譜曰曹者禹貢兖州陶丘之北地名周武王既定天下  
封弟叔振鐸於曹今濟陰定陶是也其封域在雷夏荷  
澤之野昔堯嘗遊成陽死而葬焉舜漁於雷澤民俗始  
化其遺風厚重多君子務稼穡薄衣食以致蓄積夾於  
魯衛之間又寡於患難末時富而無教乃更驕侈十一  
世當周惠王時政衰昭公好奢而任小人曹之變風始作  
蜉蝣音浮刺奢也昭公國小而迫疏曰昭公班  
傳公夷子無法以

自守

陳氏曰有法則儉無法則奢

好奢而任小人

好去聲○陳氏曰儉則寡欲寡欲則

小人無所投奢則多欲多欲則小人得以中其欲而自售小人得志則其國家必有危亡之禍而彼致禍之人

亦且立而觀之耳因而挺之耳執與圖其難而共其憂哉○李氏曰小人事君必逢君以奢侈君既奢侈驕恣

則舉國將雅我所爲此小人之志也是以好奢者其所任必小人○補傳曰蜉蝣之詩不及小人序諸詩者以

其將無依知其所用皆小人故不足恃

將無所依焉

曰曹昭公詩惠王時

奢則國必弊大猶不堪況小而迫乎刺奢而言衣裳

楚楚舉一端耳

蜉蝣之羽

楚光曰蜉蝣冀中蜚蟲○釋蟲曰蜉蝣渠畧○郭璞曰似蜻蜓身狹而長有角黃黑色叢

生糞土中朝生暮死猶好噉之蜚音詰○陸璣曰大如指長三四寸甲下有翅能飛夏日陰雨時地中出今人

燒炙噉之

衣裳楚楚

傳曰楚楚鮮明貌○今曰楚楚猶美於蟬也

心之憂矣於我歸處

音杆○詩記曰蓋欲如楚茅

興也蜉蝣小蟲雖其羽鮮明而朝生夕死不久也猶

昭公小國之君雖整飾其衣裳楚楚然鮮明而迫於

大國亦不能久也我心憂其然若其危亡而無所依

其於我歸處乎見當時在位無一可倚仗者蓋慘然

以亡國爲憂矣

補傳曰不必言小人意自見於言外也

蜉蝣之翼采采衣服

程子曰采華飾也

心之憂矣於我歸息

蜉蝣掘閱

疏曰此蟲土裏化生掘地而出  
○今日更聞謂升騰變化也

麻衣如雪

箋曰

麻衣深衣也  
○疏曰諸侯之禮  
夕深衣  
○傳曰如雪言鮮潔

心之憂矣於我歸說

稅

○箋曰  
舍息也

### 蜉蝣三章章四句

候人刺近小人也共公遠君子而好近小人焉

共音恭  
遠去聲

○疏曰共公襄昭公班子

今日曹共公詩襄王時

彼候人兮

傳曰候人道路送迎賓客者  
○疏曰夏官候人上士六人下士十有二人徒百有二十人

身何戈役謂候人之何戈與役何河之上濁役音對○

屬非候人之官長也○詩記曰曲禮疏云戈鈎矛戟也如戟而橫安刃但頭不鸞上爲鈎也直刃長八寸橫刃長六寸接柄施長四寸並廣二寸冬官戈秘六尺有六寸註秘猶柄也秘音秘○傳曰役是也

彼其之子

其音

三百赤芾

音弗

○今曰芾字當作韞古字通也藏膝之韞從韞韞韞

之韞從韞○采菽箋曰芾太古蔽膝之象也冕服謂之芾其他服謂之韞以韞爲之○采菽箋曰古者佃漁而食因衣其皮先之蔽前後之蔽後後王易之以布帛而猶存其蔽前者重古道不忘本也士服爵弁以韞韞配之則服韞者以芾配之故知冕服謂之芾芾韞俱是蔽膝之象其制則同但尊祭服異其名耳○傳曰一命緇

乘軒緇音溫赤黃之色黝音酉黑色○疏曰玉藻說韞

詩經

三



之制云下廣二尺上廣一尺長三尺其頸五寸肩革帶博二寸革之形制亦同於鞞別言之則祭服謂之帶他

服謂之鞞一命至  
慈玕皆玉藻文

彼賢人爲候人之屬掌道路送迎賓客何揭其戈與  
役供勞賤之事彼小人乃有三百人皆服赤色之帶  
何爲者也曹叢爾國而小人衆多如此君子何所容  
乎晉文公入曹數之以不用僖負羈而乘軒者三百

人詩即史也

事見左傳僖二十八年○李子曰  
一小人用事猶不可況於三百乎

維鵜在梁

鵜音題○郭璞曰鵜鵜也好羣飛沈水食魚  
故名洿澤俗呼之爲淘河鵬音胡○陸璣曰

鵜形似鶚而大其鳴自呼喙長尺餘直而廣口中正赤  
頰下胡大如數升囊若小澤中有魚便羣共扞水滿其  
胡而棄之今水竭盡魚在陸地乃共食之故曰不濡其  
洶河喙虛穢反○山陰陸氏曰魚不畏鵜鵠

翼彼其之不稱其服

稱去聲

興也鵜鵠當入水中食魚今乃在魚梁之上竊人之  
魚以食未嘗濡濕其翼如小人居高位竊祿不稱其  
服也

維鵜在梁不濡其味

音晝○傳曰味喙也

彼其之子不遂其媾

溝之

去○曹氏曰遂終也○今曰也封匪寇婚媾言好  
合也○補傳曰小人見利而爭先利盡而交疎

赤芾三百小人以利合者暫焉耳豈能終遂其好合哉必自相攻也

薈兮蔚兮

薈煨之去蔚音畏○程子曰薈蔚草木鬱茂之狀

南山朝隤

曹氏曰隤

升也婉兮孌兮

傳曰婉少貌孌好貌

季女斯饑

薈然蔚然草木盛多樵者朝升於南山之上而采之  
婉孌然少好季女不妄從人幽居而饑喻小人肆志  
趨利於上君子守道而困窮於下也

候人四章章四句

鴈鴈

鴈音尸

刺不壹也在位無君子用心之不壹也

今日曹共

公詩襄王時

鴈鴈在桑

曰鴈鴈布穀也即鄰子所謂鴈鴈氏司空也鴈鴈平均故爲司空平水土○釋鳥曰鴈鴈

鴈鴈音吉菊亦作結鞠結音慶○郭璞曰今布穀也江東呼獲穀方言云戴勝○陸璣曰一名擊穀一名桑

鴈仲春鴈所化爲鴈也或謂之題肩脊人謂之擊正○山陰陸氏曰一名搏黍江東呼爲郭公鴈衍逸婦書云

口如布穀言其多聲也○李氏曰今乃鴈鴈也○舊說凡十一名李氏與舊說異姑兼存之其子七

兮

今日但謂鴈鴈於其子使之各得養無使偏而已不必以爲朝從上而下暮從下而上也淑人君

子其儀一兮其儀一兮心如結兮

興也鳴鳩養子平均如一喻古人用心之一也蓋善人君子其儀有常而專一由其心如物之結言堅固也○此詩以鳴鳩均養起興刺爲政之不均而言威儀帶弁何也蓋夫人容貌服飾之間皆可以覘其心之所存其心平則見於起居動作之間皆有常度曾子所貴乎道者三皆以驗其中之所養非徒曰容貌顏色辭氣而已也都人士衣服不貳從容有常以齊其民與此詩之意同

鴈鳩在桑其子在梅淑人君子其帶伊絲其帶伊絲

箋曰

伊絲謂大帶也大帶用素絲有雜色飾馬

其弁伊騏

音其○傳曰弁皮弁也騏騏文也○疏曰知此

是皮弁者周以韋弁以即戎冠弁以從禽弁經又是弔  
山之事且不得與絲帶相配唯皮弁是視朝之常服馬  
之青黑色謂之騏此字從馬則  
弁色如騏馬之文也經音迭

鴈鳩常在桑其子或飛在梅或飛在棘或飛在榛子  
無常處而母不離於桑以有常待之也其帶以絲爲

之其弁則有騏文有常服也

蘇氏曰從其在梅則失其在棘從其在棘則失

其在榛是故居一以待之而無不及者○李氏曰若  
母無常處則其子不知所在其服有常見其心之一也

鴈鳩在桑其子在棘

曰棘酸棗也  
解見抑凱風

淑人君子其儀不忒

朱氏曰

差忒也 其儀不忒正是四國

其心一故其儀不差忒可以正四方之國矣

鴈鳩在桑其子在榛

榛解見  
抑簡兮

淑人君子正是國人正是

國人胡不萬年

四方之遠猶且觀而象之況國人乎思古人不可復  
見曰何不使之萬年壽考乎

鴈鳩四章章六句

下泉思治也曹人疾共公侵刻下民不得其所憂而思

明王賢伯也

今曰曹共公  
詩襄王時

詩言田萊多荒以見民之不得其所序推原其故以

爲其君侵刻之所致也鄭褰裳思大國之見正蓋齊

桓未霸也

鄭忽出奔在魯桓十一年歲在庚辰  
齊桓始霸在魯莊十五年歲在壬寅

曹共

之時晉文霸業方盛襄王命之爲侯伯下泉顧思明

王賢伯何邪曹固可罪而文於曹虐矣執其君分其

田以私憾故

觀駢魯事見  
傳二十三年

將甘心焉僅以貨免文寧能



帖曹乎下泉愧木爪矣

詩記曰程氏易剝上九傳曰諸陽消剥已盡獨有上九一

爻尚存如碩大之果不見食將有復生之理上九亦變則純陰矣然陽無可盡之理變於上則生於下無間可容息也陰道極盛之時其亂可知亂極則自當思治故衆心願戴於君子君子得與也詩匪風下泉所以居變風之終也○陳氏曰亂極而不治變極而不正則天理滅矣聖人於變風之極則繫之以思治之詩以示循環之理以言亂之可治變之可正也○詩記曰匪風下泉皆思周道之詩然匪風作於東遷之前此一時也下泉作於齊桓之後此又一時也

洌彼下泉

洌音列○今曰洌旁三點者從水也清也潔也旁二點者從冰也寒也易并洌寒泉食鳥

潔當從水此洌彼下泉及大東有洌洌泉傳皆訓寒則當從冰今字乃從水當爲清也與大東有洌洌泉異也

○傳曰下泉食  
爲潔當從水

浸彼苞稂

卽梁二音○王氏曰苞叢生也○傳曰稂童梁也○疏曰

禾之秀而不實者○曹氏曰田業多荒可知

愴我寤歎

愴音慨○箋曰愴歎息之意也

念彼

# 周京

泉源深遠則流清今冽然而清者是下流之泉也泉  
流自上而下可以及物宜其灌良苗也今其所浸乃  
叢生之稂稂莠之盛見田野荒蕪民不得其所也曹  
人愴然寤覺而歎思念周京厭亂而思治也○匪風  
思周而宣王中興下泉思周而周不復興無其人也

冽彼下泉浸彼苞蕭

曰蕭香蒿也牛尾蒿也解見琴蕭

愜我寤歎念彼

京周

疏曰周京與京周京師一也因異章而變文耳

苞蕭苞著言田畝之間野草叢密也

冽彼下泉浸彼苞著

音尸○朱氏曰著莖草也○陸璣曰似蘋蕭青色科生

愜

我寤歎念彼京師

芄芄黍苗陰雨膏之

膏音告

四國有王邠伯勞之

邠音荀勞去聲

○傳曰邠伯邠侯也○疏曰邠侯爲伯也左傳富辰稱

畢原鄆邠文之昭也知邠伯是文王之子也嫌是伯爵

故言邠伯邠侯也○今曰毛以爲二大伯爵以爲收

下二伯孔以爲大伯唯周召無邠侯者當從鄭也

田野荒蕪所見惟稂莠蕭藿之類因思周之盛時五穀熟而風雨時芄芄然盛之黍苗得陰雨以膏澤之四國既有明王又得郇侯爲伯以勞來之傷今不復見也

下泉四章章四句



詩緝卷十五

欽定四庫全書

經部

詩緝卷十六

詳校官監察御史臣孫家賢

通政使司副使臣黃瞻萊覆勘

總校官進士臣繆琪

校對官中書臣潘奕鳥

膳錄監生臣黃熙純

欽定四庫全書

詩緝卷十六

宋 嚴粲 撰

豳

國風

譜曰豳者后稷之曾孫曰公劉者自邠而出所徙戎狄之地名今屬石扶風枸邑公劉以夏后太康時失其官守竄於此地猶脩后稷之業勤恤愛民咸歸之而國成焉其封域在禹貢雍州岐山之北原隰之野至商之世大王又避戎狄之難而入處於岐陽成王之時周公居東思公劉居豳憂念民事至苦之功以此序已志故別其詩以為豳國變風焉邠音台枸音苟。疏曰邠今始平武功縣所治麓城是也國語云昔我先世后稷

以服事虞夏及夏之衰棄稷不務我先王不窋用失其官而自竄於戎狄之間不窋后稷之子也年昭註國語以爲不窋當太康之時公劉乃不窋之孫不應亦當太康之世夏之衰也自太康始故繫太康言之周公王朝卿士不得專名一國因其上陳曲公故爲曲之變風蘄邠同窋知律反○詩記曰文中子程元問曰敢問曲風何風也文中子曰變風也元曰周公之際亦有變風乎曰君臣相誚其能正乎成王終疑則風遂變矣非周公至誠其孰能卒正之哉元曰居變風之末何也曰夷王以下變風不復正矣夫子蓋傷之也故終之以曲風言變之可正也唯周公能之故繫之以正變而克正危而克扶始終不失於本其惟周公乎繫之曲遠矣哉○劉氏曰曲實周公詩耳周者畿內國也畿內諸侯上繫於王不得國別風也何不編於魯魯者伯禽封耳周公不之魯也周公作詩意在於曲而周公之詩無所可繫故因謂之曲也何以不列之於雅曰列之於雅是爲變雅



成王雖始疑周公而終任之君臣之道亦無間矣君子  
成人之美故不使成王之世有變雅之聲而攝引其詩  
使還周公也○范氏曰幽居風雅之中何也風之所爲  
終而雅之所爲始也變風終於曹思明王賢伯之不可  
得於是次之以幽反之於周公而後至於鹿鳴言周之  
所以盛者由周公也○補傳曰幽周公之詩不列之正  
風何也幽非周之列國而周公乃爲遭變而作不得謂  
之正風也公劉入於雅七月不八雅何也雅所言王者  
之事七月之詩以周公之故居於風也國史以幽秦  
皆戎地故幽秦以類而次之孔子處幽於變風之末實  
尊之也尊之者  
何變而充正也

變風迄幽反周之初世道不終窮也齊幽秦魏唐陳  
檜曹季札所觀太師樂歌之次第也今詩之次第孔

子所定也降秦於唐而挈幽以終之蓋一經聖人之手而旨趣深矣

七月陳王業也周公遭變

箋曰管蔡流言避於東都

故陳后稷先公

風化之所由致王業之艱難也

疏曰故陳后稷及居幽地之先公其風化之所

由緣致此王業之艱難之事處幽地之先公公劉大王之等耳不陳后稷之教今輒言后稷者以先公脩行后稷之教故以后稷冠之

七月陳幽民農桑之事而首序謂之王業猶孟子謂之王道也蓋周以農事開國而幽者豐鎬之基也周

公因管蔡流言將壞成業念先公之初避狄居幽艱  
難積累歷十數世之久以致今日何忍一旦壞之所  
以感悟成王也七月之詩一言蔽之曰豫而已凡感  
節物之變而脩人事之備皆豫爲之謀也

程子曰七月大意憂

深思遠不惟幽風當如此又成王中變自然起發周  
公言終久意思此詩欲成王知先公先王致王業之  
由民之勞力趨時稼穡之艱難如此此詩多陳節物  
大要言歲序之遷人事當及時耳所言或與月令異  
者月令舉其始此但言其有時不必始有也○王氏  
曰仰觀星日霜露之變俯察蟲鳥草木之化以知天  
時以授民事女服事乎內男服事乎外上以誠愛下  
下以忠利上父子子夫夫婦婦養老而慈幼食力而

助弱其祭祀也時其燕饗也節此七月之莪也○曹氏曰不密之居於幽未能國也至其孫公劉始立國

馬先公兼指公劉而言也

# 七月流火

張子曰七月之詩皆以夏正爲斷○曹氏曰公劉正當夏時所用者夏正也○朱氏曰所

謂改正朔者以是月爲歲首耳月固不易也○今曰詩經皆夏時○傳曰流下也火大火火也○疏曰左傳張超

云火星中而寒暑退服虔云大火心也季冬十二月平旦正中在南方大寒退季夏六月黃昏火心中大暑退

題音

## 九月授衣一之日感發

感音

## 二之日栗烈

傳曰一之日十

之餘也一之日用正月也感發風寒也二之日殷正月也栗烈寒氣也○疏曰一之日二之日猶言一月之日

二月之日數從一起而終於十更有餘月還以一二紀之也仲冬之月待風乃寒季冬之月無風亦寒○朱氏

曰一之日謂一陽之月二之日謂二陽之月變月言  
日言二月之日也○錢氏曰謂十一月十二月也 無

衣無褐

音曷○箋曰褐毛布也○疏曰賤者所服今夷狄作褐皆織毛爲之

何以卒歲

言

卒終

三之日于耜

音似○疏曰于於也於是始脩耒耜○釋文曰耜耒下打也廣丘寸耒耜

上句木也打教丁反句音溝○說文曰耜耒端木也耒手耕曲木也○今曰繫辭云斲木爲耜楨木爲耒

四

之日舉趾

音止○傳曰蟲土晚寒故至周之四月民無不舉足而耕矣○疏曰月令季冬命農計耦

耕事脩耒耜其田器孟春天子躬耕帝籍然則脩治耒耜當以季冬之月舉足而耕當以孟春之月今以正月脩耒耜二月始耕故云蟲土晚寒鄭志荅張逸云寒晚溫亦晚故脩耒耜始耕皆較中國遲一月也

同我

婦子饁彼南畝

饁音葉○傳曰饁饋也○孫炎曰饁野之餉○李氏曰卻缺耕於野其妻饁之

是妻餽其夫也有童子以黍肉餉是子餉其父也郤音  
隙○王氏曰臨大抵以南爲正故每曰南廩○補傳大  
田解曰田事喜陽而惡陰南東  
向陽則茂遂西北傍陰則不實  
田畯至喜畯音俊○傳曰田畯田大  
夫也○甫田箋曰田畯司稿今之稿夫也○  
疏曰釋言云畯農夫也孫炎云農夫田官也

一章兩節總言衣食之急也餘章推廣其意幽公教  
民以衣食爲本民從其教勤於務本故感時序之遷  
汲汲於農桑之務皆先事而豫圖之曰大火心星  
六月之昏加於正南午位當東西之中至七月之昏  
則流下而西暑退而寒將至矣至九月霜降始寒可

相授以冬衣矣當流火之候而豫興授衣之念非太  
早計也衣裘若不早備迨至建子一陽之日風寒威  
發建丑二陽之日寒氣栗烈無風亦寒當此之時無  
衣無褐將何以終其歲乎不可大寒而後索衣裘也  
此言衣爲急也建寅三陽之日於是脩耒耜建卯四  
陽之日無不舉足而耕矣豳土氣候晚而多寒故耕  
事較之中國遲一月也我婦我子同致饋饁於南畝  
之中田大夫職掌農事來至而見其勤農則喜也此

言食爲急也○西北溫晚寒當早也毛言幽土晚寒

當謂氣候晚而多寒故耕事遲耳鄭云寒晚非也

范氏

曰民生本乎衣食天下之務莫實於此矣禮義之所以起孝悌之所以生教化之所以成人情之所以固也故勤儉之俗莫如幽風○朱氏曰此章前段言衣之始後段言食之始二章至五章終前段之意六章至八章終後段之意

七月流火九月授衣春日載陽

箋曰載則也陽溫也

有鳴倉庚

曰倉

庚黃鳥也

女執懿筐

傳曰懿筐深筐也

遵彼微行

傳曰微行牆下徑也五畝

之宅樹之以桑○疏曰循微細之徑道

爰求柔桑

箋曰柔桑穉桑也

春日



遲遲

傳曰遲遲舒緩也

采繁祁祁

曰繁白蒿也解見采藻○傳曰繁所以生蠶祁祁衆多也

○山陰陸氏曰今洗蠶種尚用蒿○今曰采繁被之祁祁傳云祁祁舒遲也甫田興雨祁祁傳云徐也韓奕祁

祁如雲傳云徐靚也皆爲舒遲之意此七月女心傷悲及出車采繁祁祁玄鳥來假祁祁皆爲衆多

朱氏曰豫以遠殆及公子同歸殆音待○錢氏曰殆猶其父母爲悲也

策王姬之館云於羣公子之舍則以卑矣是諸侯之女稱公子也謂公子子也○程子曰庶幾得如富貴之子

及時而行也○葛覃傳曰婦人謂嫁曰歸

二章三章皆終首章無衣之意二章述蠶桑爲昏嫁

之備也幽民以流火爲授衣之漸不可不豫圖之故

於春日則求桑而蠶春爲秋計也言春日則已陽溫  
矣又有鳴者是倉庚之鳥矣是將蠶之候也蠶之新  
出者女執深筐遵小徑求柔稗之桑以養之蠶之未  
出者女當春日舒緩之時祁祁然皆出采繁草以洗  
之女心傷悲念蠶事之勤苦蓋豫爲衣裝之備庶幾  
他日將如女公子及時而嫁也民家以昏嫁爲重事  
用帛尤多故雖自念其勞而不敢憚也○舊說謂女  
感陽氣而思男處子作此想恐非幽風淳固之俗也

謂豫有離親之感雖非經意却無害於義

七月流火八月萑葦

音完偉○萑曰中者萑龍萑也生  
成之異名也又名龍一物而四名

也郭云萑似葦而小又云萑似萑而細是萑小於萑萑  
小於葦故曰中者也萑帶之上濁龍頑之去聲○疏曰  
初生爲萑長大爲龍成則名爲萑○葦曰大者葦萑葦  
也生成之異名也人名葦亦一物而四名也○疏曰初  
生爲葦長大爲龍成則名爲葦○山陰陸氏曰明堂位  
云葦籥葦管中籥則萑小而葦大矣○釋草曰葦萑葦  
葦葦萑葦龍○釋曰葦一名葦即今葦也葦之未成者  
葦一名葦萑一名龍○衡碩人疏曰如李巡云葦龍共  
爲一葦如郭云則葦龍別葦大車傳云葦龍也葦之初  
生則毛意以葦萑爲一葦以今驗之則葦龍別葦也○  
疏解見

蠶月條桑

程子曰當蠶長之月也計歲氣之早  
晚不可指定幾月也○箋曰條桑枝

落采其葉也○疏曰謂  
斬條於地就地采之也

**取彼斧斨**

音錡○疏曰隋鑿曰  
斧方鑿曰斨斨即斧

也唯鑿孔異耳隋湯果反又音駝鑿音芍曲容反斤斧  
受柄處○釋文曰隋孔形狹而長也○今曰墮山喬嶽

之墮吐果反與此隋鑿之隋同音釋山云鑿山墮釋云  
凡物狹而長者謂之墮此言山墮者謂山形狹長者一

名鑿也墮山與  
隋鑿皆狹長也

**以伐遠揚猗彼女桑**

猗音倚徐音伊○  
朱氏曰取葉存條

曰猗○補傳曰猗倚也猗重較兮猗于畝仁皆訓倚○  
今曰倚猶依也就樹采之也釋木云女桑萐奈郭璞云

今俗呼桑樹小而  
條長者爲女桑樹

**七月鳴鵒**

鳥之入○釋鳥曰鵒伯勞○  
疏曰樊光云春秋伯趙氏

司至伯趙鵒也以夏至來冬至去陳思王惡鳥論云伯  
勞以五月鳴應陰氣之動陰爲殘賊蓋賊害之鳥也其

聲鵒鵒故以其音名云月令仲夏鵒始鳴○補  
仲曰鵒仲夏始鳴至七月則鳴之極而將去矣  
**八月載**

績

疏曰績麻爲布績者績麻之名

載玄載黃

傳曰玄黑而有赤色

我朱孔陽

傳曰朱深

纁裳也祭服玄衣纁裳陽明也○今日載見龍旂陽陽

爲公子裳

曹氏曰祭義云歲既畢矣世婦

卒蠶遂獻繭于夫人及良日夫人纁三盆手遂朱綠之玄黃之以爲黼黻文章君服之以祀先王先公敬之至

也纁音駢

三章述蠶事終而復始及絲事畢而麻事又起其勤

未嘗息而且知義也七月流火民知將寒之候故於

八月萑葦既成豫蓄之以爲養蠶之曲薄今年爲明

年之計也至於明年蠶長之月乃條其桑謂斬取其

條也桑樹之高大者其枝條遠人而揚起人手所不能及故取斧斫以伐其條然後就地采其葉而棄其條即上文所謂條桑也桑性以斬伐而始茂故條桑者又豫爲明年之計也女桑乃桑樹之低小者倚倚也倚取之者不斬其條但就樹以采其葉也上章柔桑乃桑葉之嫩者嫩葉始生未多故以筐箱求之養新出之蠶耳蠶有新出者又有未出者故同采蠶言之皆言蠶事之始也此章女桑乃桑樹之小者大樹

既條取之小樹又猗取之蠶已大食故桑之大小取  
之無遺蓋言蠶事之成也桑麻之事相接續而起五  
月伯勞始鳴應一陰之氣至七月猶鳴則三陰之候  
而寒將至矣故七月聞鵲之鳴先時感事至八月則  
又緝績其麻也絲麻既成或染之以爲玄或染之以  
爲黃其朱色者尤鮮明將供公子之衣裳不敢言爲  
黼公之裳而託言公子也黼民禮義之俗如此

張子曰我

朱孔陽則已欲爲公子裳取彼狐狸則已欲爲  
公子裘民愛黼公待之如家人其愛之深如此

○女

桑小桑樹也郭說甚明物之小者稱女猶今稱女牆也毛云角而束之曰猗疏引左傳諸戎猗之然此猗從彡音倚左傳從才音紀與此異也箋以幽地晚寒故鵲以七月鳴曹氏又引王肅之說五訛爲七義皆未安離騷恐鵲鳩之先鳴兮使百草爲之不芳朱氏集註云鵲也蓋鳩鵲聲相近陰氣至則先鳴而草死也此與舊說異姑存之

鵲鳩音  
題決

四月秀萋

音腰○釋草曰華榮也木謂之華草謂之榮不榮而實者謂之秀○箋曰物成自秀萋始



○普氏曰萋遠志也釋草云萋繞蘇莞註云今遠志也其上謂之小草說文云刺向說萋味苦謂之苦萋本草云遠志一名蘇莞一名繞萋一名細草四月采根葉陰乾參訂諸說知萋爲遠志矣四月陽氣極於上而微陰已受胎於下萋感之而早秀○今曰萋毛不指爲何草鄭疑爲王質陸璣亦無明說唯曹氏以爲遠志證據甚明刺向說爲苦萋今遠志苦澀之

### 五月鳴蜩

音條○曰蜩蟬也諸

蟬之總名也○今曰釋蟲云蜩蟬蟬蟬郭璞引夏小正云蜩蟬者五色具蟬蟬者蟬俗呼爲胡蟬是蜩蟬蟬引二種蟬也故爾雅疏云蜩蟬者目諸蟬也今從之詩疏引方言云楚謂蟬爲蜩宋謂之蟬蜩陳鄭謂之蜩蟬秦晉謂之蟬陸璣又云蟬通語也一日胡蟬一名蜩如方言及陸璣之說則諸蟬皆一物也無區別矣今不從蕩詩如蜩如蟬如蟬不得以爲一物也毛氏於彼傳云蜩蟬也蟬蜩也其說是矣於此詩乃云蜩蟬者蓋舉其類以相

明非以蚋爲蟬白爲異同也  
蟬音唐娘音郎蚋音假

八月其穫

音獲○釋文曰穫刈穀也

十月

隕穽

音允託○傳曰隕墜也○疏曰落葉謂之穽○箋曰四者皆物成而將寒之候

一之日于

貉

音鵠○箋曰于往也○釋文曰貉子狙狙音喧○釋曰字林云貉似狐善睡其子名狙○疏曰禮無貉裘

唯孔子狐貉以居明貉賤也

取彼狐狸爲公子裘二之日其同

程子曰同

謂會聚共事也○曹氏曰唯曰與近皆竭作

載績武功

傳曰績繼也

言私其獫狁

音梭

○傳曰豕一歲曰豮

獻豝于公

豝音堅○傳曰二歲曰豝大豝公之小豝私之

四章終首章無褐之意言取彼爲裘以助布帛因及

田獵奉上之事也物生於陽而成於陰四月純陽之

月極處必反微陰胎萌

五行皆胎養在長生之前五月一陰生則亦四月陰胎萌

也

萋草感之而早秀矣物成自秀萋始也

曹氏曰首舉四月者

言陰氣之來從微至者蓋有漸也

五月一陰生蜩感之而鳴矣八月

正秋物成穀之早熟者可刈穫矣十月陰氣極殺氣盛木葉皆隕墜於地而爲籜矣四者皆陰氣漸至而將寒之候也西北地寒非狐貉之厚無以禦之故至隕籜之時則往取貉皮以爲自用之裘取狐貉之皮以爲公子之裘賤者以自奉貴者以奉公也孟冬天

子已裘此仲冬乃豫取皮乾之爲明年用也又因說獵之事至二之日會同以出田獵而繼續武事歲以爲常不忘武也私有其一歲之縱豕而獻其三歲之豨豕于公薄於已而厚於君也○舊說夏官大司馬仲冬教大閱豳地晚寒故用季冬此自說豳俗不必律以周禮也

五月斯螽動股

螽音終○曰斯螽蚶蜋也蚶蜋也舊說以爲即螽斯非也考見周南螽斯蚶蜋

音嵩須○釋蟲曰斯螽蚶蜋蚶蜋作蜋○舍人曰今所謂春泰也○陸機曰豳州人謂之春箕螽類也長而

青長脚長股股鳴者也或謂似蝗而小班黑其股似玳瑁又五月中以兩股相切作聲聞數十步江東人呼爲

此蛸二字音摘麥○小陰陸氏六月莎雞振羽○莎音蓑

難絡緯也促織之類也○釋蟲曰陸玑曰莎雞如蝗而

斑色毛翅數重其翅正赤六月月中飛而振羽索索作聲

或謂之天雞今絡緯蟲足也○山陰陸氏曰古今註云

莎雞一名絡緯謂其鳴如紡緯也七月在野八月在宇

促織一名投機謂其聲如急織也九月在戶十月蟋蟀

釋文曰屋四重曰宇韓詩云宇屋雷也雷力救反○朱氏曰蟋蟀下也

入我牀下○八字句○曰蟋蟀促窈窕熏鼠○傳曰窈窕也○疏

曰熏鼠令塞向墜戶也○庶人華戶○疏曰華戶以荆竹

織門以其制竹  
通風故泥之也

嗟我婦子曰爲改歲

爲去聲

入此室處

五章述既有衣褐則改歲可以禦寒終首章卒歲之意也。豳民言五月則斯螽動其股而鳴矣至六月則莎雞振其羽而鳴矣五月一陰六月二陰二蟲先秋作聲感陰氣之萌也自七月在野至十月入我牀下皆謂蟋蟀也七月蟋蟀之蟲在野至八月乃在檐宇之下寒則依人也九月則在室戶之內十月則入我牀下小蟲愈近於人知大寒至矣故穹窒塞其室

之孔穴熏鼠令出又塞其北向之牖又以泥墁塗荆竹之戶告妻及子言我所以爲此者爲改歲大寒當入此居處也

六月食鬱及蓂

音郁○曰鬱崔李也車下李也唐棣之屬也曰蓂蓂李也唐棣也蓂蓂也鬱類

而小別也蓂音纓○疏曰劉桢云鬱樹高五六尺其實大如李而正赤食之甜本草云一名崔李一名車下李一名棣則與棣相類晉宮閣銘云華林園中有車下李三百一十四株蓂李一株車下李即鬱也蓂李即蓂也○今曰疏云鬱是車下李蓂是蓂李則蓂李非車下李矣陸璣既以唐棣爲蓂李人云蓂李一名車下李本草有郁李人亦云一名車下李則蓂李又有車下之名蓋由二者相類故名稱相亂也○棣解見召何彼穠矣

七月亨葵及菽

亨音烹○李氏曰葵可茹公儀所拔是也○山陰陸氏曰齊民要術云今世葵

有紫萼白萼二種左傳云鮑莊子之足不如葵葵猶能衛其足今葵心隨日光所轉輒低覆其根○宋氏曰菽

豆也○菽

解見小宛

八月剥棗

音撲○傳曰剥擊也○今日就樹擊而落之

十月穫稻

解

見唐爲此春酒

傳曰春酒凍醪也○疏曰凍時醪之即酒正三酒中清酒也冬釀接夏而成

以介眉壽

箋曰介助也○疏曰人老年者必有眉壽出也○王氏曰眉壽長矣養氣體焉以助之

七月食瓜八月斷壺

性蔓生斬之故曰斷○李氏曰壺

瓠也○長樂劉氏曰枯者可爲壺嫩者可爲茹

九月叔苴

音趨考見開雅○傳曰叔拾也苴麻子也

采荼薪樗

茶音徒樗音樗○茶解見縣○傳曰樗惡木也○疏曰樗唯堪爲薪○解見戎行其野



食我農夫

食音嗣

六章述老壯之養有厚薄也六月食鬱蓂二李七月烹煮葵菜及菽豆八月剥擊樹上之棗而落之十月刈穫禾稻而爲凍醪此以上皆以養老介助秀眉壽老之人也七月食瓜八月斷取壺瓠九月叔拾麻子荼苦菜也則采之樗惡木也則薪之此以上皆以爲壯者之食故曰以養農夫也優老而薄壯豈俗之厚也

朱氏曰自此至卒章皆言農圃飲食祭祀燕樂以終首章後段之意

九月築場圃

傳曰春夏爲圃秋冬爲場○箋曰場圃同地自生植物之時耕治之以種菜茹至物盡

成熟築堅以爲場

十月納禾稼

禾解

黍稷重穧

重平聲穧音六○黍稷解見王

黍離○疏曰先種後熟謂之重後種先熟謂之穧○重穧詳解見閭宮

禾麻菽麥

疏曰禾是禾名

非徒黍稷重穧四種而已麻與菽麥則無禾稱故於麻菽麥之上更言禾字以總諸禾也

嗟我農夫

我稼既同

今日同齊也

上入執宮功

傳曰入爲上出爲下○李氏曰田野入都邑故

謂之上○范氏宮功公室之役也

晝爾于茅

今曰于於也於是取茅猶三之日于艸也

宵爾

索綯

傳曰綯絞也○程子曰綯所用蓋屋

亟其乘屋

亟音棘○傳曰乘升

也○箋曰急常治野廬之屋○疏曰上文塞向墜戶是都邑之屋此謂野廬之屋也○今曰信而出中田有廬

箋云農人作廩於  
田中以便田事

其始播百穀

疏曰播種也

七章述農事終而復始其勤勞未嘗息也九月豫築  
圃爲場十月則就此場納禾稼於倉其禾有黍有稷  
有先種後熟之重有後種先熟之穆禾是大名有非  
一種之禾又有麻有菽有麥農事了畢農夫自相告  
戒云嗟我農夫稼穡收穫既齊矣野中無事我當上  
入都邑執公室之役不待督責而從見幽人尊君親  
上禮義之俗也既執宮功之後又自相戒云晝日於

是取茅草將以蓋屋夜則作索綯將以縛屋凡爲此者當急升野廬之屋而修之以明年又播百穀也謂之始播終而復始也宮功方畢即治野廬豫爲明年之計幽民之敏於趨事如此黍稷麻麥但因納稼之文廣舉禾稼之類以見其多謂至十月則此等諸種皆成熟矣不專是十月納之也月令五月登黍四月登麥非十月也

呂氏曰此章終始農事以極憂勤艱難之意

○孔氏謂取茅

索綯以待明年蠶用與下文乘屋不相接其說固非

也諸家雖以取茅索絢爲乘屋之用然以屋即是公  
宮又與始播百穀意不聯接公宮蓋屋必不用茅茅  
又不可爲索絢今以屋爲野廬其屋用茅蓋之又作  
繩索以縛此屋而修治之上下文意始分曉

二之日鑿冰沖沖

音蟲○朱氏曰鑿冰謂取冰於山也○左傳曰古者日在北陸而藏冰深

山窮谷固陰沍寒於是取之註陸道也謂夏十二月日在虛危○曹氏曰沖沖和也

三之日納于

凌陰

凌去聲又音陵○傳曰凌陰冰室也○疏曰天官凌人十二月斬冰即納之幽土臘寒故正月藏之

○朱氏曰幽土寒多故正月藏也

四之日其蚤

音蚤○疏曰其早朝獻

風未解凍冰猶可藏也

詩緝

十六

羔祭韭

疏曰月令仲秋獻羔開冰

九月肅霜十月滌場

滌音敵○傳曰滌歸也

朋酒斯饗

傳曰兩樽曰朋

曰殺羔羊躋彼公堂

王氏曰公堂人君之堂也○傳

曰學稱彼兕觥

兕觥之上濁○解見卷耳

萬壽無疆

傳曰疆竟也竟音境○今曰有

疆境則有限止無疆境則長遠無限止也

末章述祭祀燕饗祝頌之事見君民相親所以爲艱

難積累之始也季冬陽氣尚微盛陰固閉不能自達

乃豫於深山窮谷鑿取其冰以達之陽氣達而沖沖

然和也至孟春乃藏冰於冰室仲春之早朝開冰用

之以獻羔祭韭以時韭新出故薦之也將言歲功成而樂之故又言九月有嚴肅之霜十月滌埽其塲將以納禾稼也民相戒以速畢塲功當設兩樽朋酒以爲燕饗之禮相命殺小羊升君之公堂舉兕觥酌公以酒祝之萬壽無疆境也

詩記曰斷之先公國未備無君臣之問○曹氏曰

十二月陽氣尚微於是鑿冰以達之至二月四陽大壯恐其太過則微陽幾於息滅於是開冰而頒之逮火出而畢賦所以節其過也聖人裁成天地之道有任於此而賓食喪祭因以致其用焉耳獻羔祭司寒也祭韭薦寢廟也○補傳曰君民之間上下相親不啻如家人父子周之王業由於得民世三十年八百

其基於此數國人以羔羊朋酒自詣公堂其禮甚野其意甚真雖在立國之初庶事革革然非三代之時

安得此

風俗也

七月八章章十一句

鴟鴞

音筭遙

周公救亂也成王未知周公之志公乃爲詩

以遺王

道音位

名之曰鴟鴞焉

朱氏曰管蔡流言使成王疑周公矣其挾武庚

及淮夷以叛蓋以周公爲亂也周公雖已滅之然成王之疑未釋則亂未泯也故周公作此鴟鴞之詩以遺王告之以王業艱難不忍毀壞之意所以爲救亂也

三監雖平而君臣之疑未釋則亂猶在也此詩不知



者以爲公之自明耳曰周公救亂者用春秋書法也  
此序經聖人之手矣周公既出而作七月未還而作  
鵙鵙既還而作東山著公之出入也

鵙鵙鵙鵙

曰鵙鵙鵙類也鵙惡聲之鳥鵙鵙爲鵙類則亦惡聲之鳥也郭璞以爲鵙類陸璣以爲巧

婦陸農師是璞而非璣○釋鳥曰鵙鵙鵙鵙二字音寧  
決○詩記曰郭景純陸農師得之鵙鵙鵙鵙之別名方  
言云自關而東謂奈鵙曰鵙鵙此乃陸璣疏所謂巧婦  
似黃雀而小其名偶與鵙鵙之別名同與爾雅之所載  
實兩物也毛鄭誤指以解詩歐陽氏雖知其  
失乃併與爾雅非之蓋未考景純之註耳  
既取我子

無毀我室

曹氏曰鳥以巢爲室如雀入燕室也  
恩斯勤斯鬻子之閔斯

音繁

育義

同

鴟鵂惡聲之驚鳥喜破鳥巢而食其子託爲鳥之愛其巢者呼鴟鵂而告之曰汝先已取我子食之矣無更毀我巢也時管叔武庚雖亡爲惡之黨猶在喻爲惡者既陷管蔡於罪矣無更謀危王室也思愛勤勞鬻養此子誠可傷閔今既取之其毒甚矣況又毀我

巢乎

程子曰鴟鵂謂爲惡者子喻管蔡室喻王室○呂氏曰殷民流言中傷周公謀危王室故周公

曰管蔡親也爾既以惡汚染使陷於罪是害我兄弟矣又欲謀危王室則不可也

迨天之未陰雨

傳曰迨及也

徹彼桑土

音杜○朱氏曰徹取也○傳曰桑土桑根

也

綢繆牖戶

綢音傷繆莫彪反箋曰綢繆猶纏綿也朱氏曰牖巢之通氣處戶其出入處也

今此下民或敢侮予

又託爲鳥言我及天未陰雨之時剥取桑根綢繆纏

綿其巢之隙穴及出入之戶使之堅固以備陰雨之

患以勤勞之故惜此巢室今巢下之民或敢侮慢我

欲毀我巢室其可乎

王肅曰言先王致此大功至艱難而其下民敢侵侮我周道不

可不過絕以全周室

予手拮据

音吉居。傳曰拮据，搯也。音戰。莠。疏曰：搯，持也。搯，搯謂以手搯持草也。

予所

將茶

將，鑒之入茶音徒。○朱氏曰：將，取也。○傳曰：茶，荏莢也。荏，莢音完。條。○疏曰：龍，爲荏荏莢，莢謂龍之秀

穗也。出其東門。○茶，茅秀然則茅龍之秀，其物相類，故皆名茶也。龍，頑之去聲。○三茶，考見岬谷風。○朱氏

曰：可藉巢者。

予所蓄租

程子曰：蓄，積也。租，取也。

予口卒瘡

音徒。○王氏曰：卒，盡也。○

傳曰：瘡病也。

曰予未有室家

又託爲鳥言予手拘持者是予所將取荏莢也予所蓄積租取而予口盡病也我作之至苦如是者曰我未有室家之故也豈可室成而爲鴟鴞所毀乎周公

以喻已不憚勤勞者以王業未成故也豈可業成而爲殷民所毀乎手拮据而將荼蓄租而口卒瘁交錯言之也

予羽譙譙

音樵○傳曰譙譙殺也殺色界反減削也

予尾脩脩

音消○傳曰脩脩散也

予室翹翹

傳曰翹翹危也

風雨所漂搖

漂音飄

予維音嘒嘒

音朽○錢

氏曰嘒嘒叫呼也

又託爲鳥言我營巢之苦非特手勞口病也予羽譙譙然殺減予尾脩脩然散敗予室翹翹然危風雨又

漂蕩而搖動之予恐其隕墜維音嘒嘒然而呬呼也  
周公以喻已盡瘁經理王室如鳥之作巢甚苦王室  
新造成王幼冲如鳥巢之甚危殷民又爲流言以搖  
撼之如風雨之漂搖故作此詩以哀鳴如鳥音之嘒  
嘒也

鷦鷯四章章五句

東山周公東征也周公東征三年而歸勞歸士

勞去聲

大

夫美之故作是詩也一章言其完也二章言其思也

夫思

聲

三章言其室家之望女也

汝女音

四章樂男女之得及

時

樂音洛

君子之於人序其情而閔其勞所以說也

說音悅

說以使民民忘其死其唯東山乎

東山周公所作以勞歸士猶杖杜勞還役也後序言  
大夫美之非也杖杜述家人望歸之情東山述歸士  
思家之情其意則一然杖杜之辭簡東山之辭詳蓋  
周公與歸士居東三年患難同之情之繼繼言之諄  
複宜與杖杜不同也後序又分一章言其全軍而歸

二章言行者之思非也今以前三章皆爲述歸士在途思家之情後山詩所謂住遠猶相忘歸近不可忍蓋別家之情於久住之處猶或相忘至於歸心已動行而未至則思家之情最切故序其在途之情以慰勞之采薇出車言今我來思皆言在途之事與此正同末章因述自途而至家故四章皆以我來自東零雨其濛發之

我徂東山惓惓不歸

惓音叨○傳曰惓惓言久也

我來自東

今日來歸也



零雨其濛

疏曰零落也○錢氏曰濛濛細雨貌

我東曰歸

今曰曰歸猶言歸也

我心

西悲制彼裳衣勿士行枚

行王音航毛音衡鄭音衡枚音梅○傳曰士事也○疏曰

大司馬大開云遂鼓銜枚而進注云枚如箸銜之有絲結項中軍法止語爲相疑感繼音盡又呼麥反

蝟者蝟

蝟音潤蝟音蜀○錢氏曰蝟蝟蟲微動貌傳曰蝟桑蟲也○郭璞曰大蟲如指似蝟

○烝

在桑野敦彼獨宿

敦音堆○朱氏曰敦獨處不移之貌○今曰諺云敦敦不動

亦在

車下

三監在周之東周公自西徂東以征之軍屯必依山

爲固故以東山言之此詩乃軍士已歸之後周公不

忘其往時之勞歷述其在途思家之情以慰勞之以見上之知其憂勞也人之思家於歸而在途思之最切此設爲軍士自道之辭反覆委折曲盡人情之私謂爾軍士在途之時若曰我向之往東山以征三監也惛惛然久而不歸及我來歸自東又道遇細雨濛濛然是尤苦也行役最以雨爲苦言雨之濛濛形容得羈旅愁慘之意我自東言歸行而未至我心念家之在西而悲也征役久則衣破敝故思到家之時當

更制裳衣願自今勿復從事於行陣而銜枚也在途  
經行桑野因感所見而自歎曰彼蛸蛸然微動之桑  
蟲久在桑野之葉中如我敦然不移而獨宿亦在車  
下也古之用車止則爲營衛故士卒宿于車下言獨  
宿思室家也見上之體其情也○烝有三義衆也進  
也久也此詩三烝在者二以爲進則可以言蠋不可  
以言爪以爲衆則喻獨宿不取衆義也此詩皆言久  
役之情則久義爲勝

我徂東山惓惓不歸我來自東零雨其濛果臝之實

果反○釋草曰果臝之實枯樓○釋曰果臝之草其實

名實即子也○疏曰孫炎云齊人謂之天瓜本草云枯

樓如瓜葉形兩兩相值蔓

延青黑色六月華七月實亦施于宇

宇屋垂也伊威在室

伊威在室

傳曰伊威委菜也○陸璣曰一名

鼯見七月

鼯者

鼯也

鼯在戶

鼯音蕭梢○傳曰鼯

鼯音蕭梢○傳曰鼯

鼯音蕭梢○傳曰鼯

鼯音蕭梢○傳曰鼯

鼯音蕭梢○傳曰鼯

鼯音蕭梢○傳曰鼯

此章亦述軍士在途遇雨勞苦而思家蓋室廬將近  
則家事纖悉一一上心此人之情也我久征役無人  
在家田廬必是荒廢想見枯樓之實蔓延于屋垂之  
下矣壁落間伊威小蟲必以無人而出行于室矣蠨  
蛸小蜘蛛必結網當戶矣廬傍畦壠必爲麋鹿之場  
矣螢火夜必飛行室中矣此五物不足畏也乃可懷  
感也謂久而不歸也此言歸士無室家者  
開之趙  
虛齊云即  
末章歸而新昏者也

我徂東山惓惓不歸我來自東零雨其濛鵲鳴于垤

鵲音

賈垤音迭○陸機曰鵲似鵲○王氏曰垤丘垤也

婦歎于室洒埽穹窒

洒鰓之上埽音

噪

我征聿至有敦瓜苦

敦音團○程子曰敦圓成之貌

烝在栗薪

烝曰炙父

也○錢氏曰栗之可爲薪者○程子曰瓜之苦者人所不取常任其所

自我不見于今三

年

天將陰雨鵲性好水長鳴于丘垤之上亦道間遇雨  
所見也此時想其婦在家必念行人而悲歎且曰今  
當洒埽其室窮塞鼠穴我征夫將至矣望我之歸也

聿者將遂之辭實未至也又想其婦見有瓜之苦者人所不取敦然圓成久在栗薪之上如我之匏繫于東必歎曰自我不見者今三年矣此皆想其婦在家之歎望蓋行人念家之情如白居易詩云想得家中夜深坐還應說著遠行人也此說歸士有室家者即末章所言其舊如之何也

我徂東山惓惓不歸我來自東零雨其濛倉庚于飛熠

耀其羽

箋曰熠耀鮮明也

之子于歸皇駁其馬

駁音剝○釋畜曰黃白皇駁白

駮○孫炎曰馬色黃白有黃處有白處駮赤色也駮白有駮處有白處

親結其縞

音高○曰縞婦

人悅中也解見野有死麕○傳曰縞婦人之褻也母戒女施衿結帨褻音暱衿衾之去聲繫佩帶也帨音稅○

疏曰婦人之褻謂之縞孫炎以褻爲帨中郭璞以爲今之香纓此言結縞常是帨非香纓也九十其

儀

朱氏曰凡其儀十其儀言其儀之多也

其新孔嘉其舊如之何

末章述到家之樂以慰悅之言在途遇雨則勞自途

至家則喜至家之時適及仲春倉庚之飛其羽鮮明

人情和悅與景相會我軍士未受室者可以及時而

昏姻此女子之歸于夫家其馬有皇有駮女之母親



結其悅巾其儀多也其新昏者甚美矣其舊昏相見之歡當如何哉

東山四章章十二句

破斧美周公也周大夫以惡四國焉

惡鳥路反○傳曰四國管蔡商奄也

○朱氏曰四國四方之國從管蔡之辭者

既破我斧

今曰易旅卦得其資斧注斧所以斫除荆棘

又缺我斨

音鉞○今曰斧斨解

見七月伐木用之非指兵器

周公東征四國是皇

傳曰皇正也

哀我人斯

亦孔之將

傳曰將大也

詩人言兵器必曰弓矢干戈矛戟無專言斧斨錡鉞者斧雖兵器所用而以斨竝言乃鼃民所用以採桑者又錡爲鑿屬鉞爲木屬以類言之知皆非兵器矣周公奉王命以討罪有征無戰四國聞王師之至即窮蹙自守周公又遲之三年不爲急攻之計故未嘗從事於戰陣惟行師有除道樵蘇之事斧斨之用爲多歷時之久則必敝故此詩言管蔡之亂何能爲哉但能破我之斧而已又缺我之斨而已其兵器元無

損也蓋周公東征唯四國是正而已即孟子言征者  
正也各欲正已也焉用戰彼雖自外於周周公一視  
同仁均爲我民不忿疾之乃哀矜之周公之德如天  
地之無不覆載豈不大哉大周公所以惡四國也○  
舊說破斧缺斨爲戰陳殺戮之多至於如此且東山  
序云一章言其完也孔氏云東征無戰陳之事然則  
破斧缺斨非爲戰也周公提王師以臨武庚之小醜  
若用其兵力一鼓滅之何待三年之久乎觀尚書所

載周公化商之事勤拳懇惻如父兄之愛其子弟真  
所謂哀我人斯也若以爲殺戮之多至於破斧缺斨  
則是與之血戰而僅勝之亦疲敝甚矣與下文哀我  
人斯及叱嘉邁休之意皆不相類血流漂杵孟子所  
不信揮刀紛紜韓氏之陋也

既破我斧又缺我錡

音奇 ○傳曰  
繫屬曰錡

周公東征四國是叱

音訛 ○傳  
曰叱化也

哀我人斯亦孔之嘉

化之而已不殺之也嘉言德之甚善也

既破我斧又缺我鉞

音求○傳曰木屬曰鉞釋文曰韓詩云鑿屬一解云今之獨頭斧

周公東征四國是道

慈秋反○曹氏曰道聚也

哀我人斯亦孔之休

聚之言不使之離散失所也休言四國平而天下和

也

### 破斧三章章六句

伐柯

音哥

美周公也周大夫刺朝廷之不知也

程子曰伐柯乃既得

罪人之後周公遲留未歸士大夫刺朝廷不知所以還周公之道○詩記曰視金滕所載二公之知周公至矣  
今日朝廷則二公亦與焉蓋大臣與國同休者也  
主未悟而事未回國人所當責而二公所當受也

伐柯如何

傳曰柯斧柄也

匪斧不克

朱氏曰克能也

取妻如何

取音娶

匪

媒不得

有問伐木以爲斧柄者當如何乎非斧則不能其理易知何必問也有問取妻者當如何乎非媒則不得其理亦易知何必問也今欲周公之歸何必問人但以禮迎之而已下章言之

伐柯伐柯其則不遠

箋曰則法也

我觀之子

觀溝之去○箋曰觀見也之子

周公

籩豆有踐

○釋器曰竹豆謂之籩木豆謂之豆○傳曰踐行列貌

所伐之柯即此手中之柯比而視之舊柯短則如其短舊柯長則如其長其法則不遠亦易知也我欲見周公當陳其籩豆踐然有行列隆禮以迎之而已

### 伐柯二章章四句

九罇

音域

美周公也周大夫刺朝廷之不知也

補傳曰是詩與伐柯

相類然伐柯則言朝廷不能以禮迎周公是詩則言周公不當久處外也

九罇之魚鱒魴

鱒存之上濁○疏曰九罇魚鱒也○孫炎曰謂魚之所入有九罇○陸璣曰鱒

似鱒而鱒細於鱒赤眼鱒音混○曰魴鱒也解見陳衡門

我觀之子衮衣繡裳

朱氏曰衮

衣繡裳九章一曰龍二曰山三曰華蟲雉也四曰火五曰宗彝虎雌也皆繡於衣六曰藻七曰粉米八曰黼九曰黻皆繡於裳天子之龍一升一降上公但有降龍以龍首卷然故謂之袞也雉位抽豐三音卷音張

興也言設九戩之常網則僅可以得鱗魴之常魚喻常禮非所以處周公也故我欲見之子周公當用龍袞之衣及絺繡之裳上公禮服往逆之服其服則居其位矣欲朝廷復相之也○九戩毛以爲小網諸家或以爲大網郭璞言有百囊網則九囊者不得爲大網又有不及九囊者則九囊亦不爲甚小蓋常網



也鰢魴毛以爲大魚今赤眼鰢及鰢魚皆非大魚

鴻飛遵渚

傳曰遵渚也

公歸無所於女信處

女音汝處音杵

西人欲公之歸謂東人曰鴻飛宜戾天而乃遵循於洲渚周公宜在朝廷而乃留滯於東土豈公歸無其處所遂於汝東土誠安處乎公歸則朝廷有以處之不久留於汝東土也此所以諷朝廷也

鴻飛遵陸

釋地曰高平曰陸

公歸不復於女信宿

程子曰宿安息也

豈公歸不復其舊位而於汝東土誠安留乎公歸必

復其舊位矣

是以有袞衣兮無以我公歸兮無使我心悲兮

東人欲公之留荅西人曰汝固有裳衣以迎公之歸  
矣然願無以我公歸而使我心悲也言袞衣者因首  
章西人欲以袞衣繡裳迎公也

九戩四章一章四句三章三句

狼跋

音撥  
又  
蕭末反

美周公也周公攝政遠則四國流言近則

王不知周大夫美其不失其聖也

補傳曰後序推本其  
初而言之觀詩人之

所詠乃周公東歸復辟後事故  
曰德音不瑕謂其終始無瑕也

狼跋其胡

狼解見齊還○傳曰跋躡也○疏曰狼之載

鼃其尾

鼃音致舊又音帝今不從○傳曰鼃路也路其

本也此詩但當音致中庸言前定則不路注路躡也躡

之類進則躡其胡而前則

公孫碩膚

孫鄭音遜毛如字

弗居也○傳曰碩大也膚美也

赤鳥几

鳥音昔○詩記曰鄭氏僕人

服之鳥詩云王錫韓侯玄衮赤鳥則諸侯與王同獲

故几几安也○程子曰狼跋之貪者狃於求欲故陷於

泰亦錫亦儿儿然安也異於狼之跋扈矣○范氏曰其德備皆其容亦威赤錫儿儿則其餘可見矣夫神龍或潛或飛能大能小其變化不測然得而畜之若犬羊然有欲故也唯其可以畜之者是以亦得醢而食之凡有欲之類莫不可制焉唯聖人無欲故天地萬物不能易也富貴貧賤死生如寒暑晝夜相代乎前吾黨有二其心乎哉亦順受之而已矣舜受堯之天下而不以爲泰孔子既於陳蔡而不以爲戚周公遠則四國流言近則王不知而赤錫儿儿德音不瑕其致一也

興也老狼以貪欲之故陷於機穽其在機穽之時欲進則跋躡其胡欲退則蹙踰其尾求脫不能喻人有貪欲則陷於患難進退失措也周公遜其大美不以

德盛自矜不以功大自伐無一毫私欲之累故雖處  
流言之變其赤舄几几然步履安詳無異平日所謂  
不失其聖也凡人處利害之變則舉趾不安其常懼  
者或至於喪屨喜者或至於折屐詩人以赤舄几几  
見周公之聖其善觀聖人矣○狼猛健之獸雖善兵  
者禦之亦不能免平時不至跋扈其老者雖項下垂  
胡若在平地亦無跋之之理所言跋胡扈尾者謂其  
落機穽之時進退求脫不能耳

狼臲其尾載跋其胡公孫碩膚德音不瑕

臲曰不可疵也○程子

曰大舜謂汝惟不矜天下莫與汝爭功使周公貪欲崇高得名之心其能得天下之與如是乎惟其處已也蘊蘊然存恭畏之心存誠也蘊蘊然無顧慮之意所以不失其聖德音所以不瑕也先儒以狼跋臲不失其猛與周公不失其聖義若虎豹相獨取狼也古之詩人比興以類也是以香草譬君子惡鳥譬小人豈有以豺狼與聖人乎且以上二句言跋言臲安有儿几不瑕之義但此詩體與他詩不同故耳不通

狼跋二章章四句

詩緝卷十六